



KOMUNIKADU IMPRENSA KONJUNTU

ConocoPhillips Australia Pty Ltd
53 Ord Street
West Perth, WA 6005
www.conocophillips.com.au

Loron 17 fulan-fevereiru tinan 2016

Timor-Leste no ConocoPhillips Australia rezolve disputa fiskál sira

Perth/Dili-Governu Timor-Leste nian no ConocoPhillips Australia ohin fó sai ona rezolusaun kona-ba disputa fiskál oioin ne'ebé importante. Liuliu, rezolve ona likidasaun impostu nian sira ne'ebé relasiona ho planu dezativasaun Bayu-Undan, perfurasaun iha Phoenix-Firebird no Tarifa Rezerva Kapacidade nian ("Capacity Reserve Charge", iha lia-ingles). Labele hetan akordu kona-ba retensaun iha fonte impostu kona-ba kanalizasaun gás naturál nian, tanba ne'e problema ne'e haruka ona ba Sentru Arbitrajen Internasionál Singapura nian.

Disputa sira ne'ebé refere ba lei no akordu sira kona-ba ba kampu Bayu-Undan, ne'ebé lokaliza iha Área Dezenvolvimentu Petrolíferu Konjuntu, iha Tasi Timór, no ho operasaun iha kargu ConocoPhillips nian. Governu Timor-Leste no ConocoPhillips afirma ona katak diferensa husi pasadu nian kona-ba kestaun fiskál rezolve tiha ona no parte rua hotu sente kontente tanba sira to'o ona iha hanoin ida ne'ebé hanesan katak respeita direitu Timor-Leste nian ba impostu sira nune'e mós respeita direitu ConocoPhillips nian nu'udar kontribuinte.

Atu minimiza konfitu ne'ebé bele mosu iha futuru, Timor-Leste no ConocoPhillips mós to'o ona iha entendimentu komún ida kona-ba kadru rezolusaun konfliktu no aplikasaun ba sansaun sira no akordu ida ba serbisu hamutuk iha konsolidasaun lei ne'ebé bele aplika ba-ia operasaun Bayu-Undan nian iha kódigo fiskál ida ne'ebé hanesan.

"ConocoPhillips iha konsiderasaun boot kona-ba nia relasaun ho Timor-Leste no timoroan barak ne'ebé hetan benifísiu husi operasaun iha Bayu-Undan" dehan Chris Wilson, presidente ConocoPhillips Australia-West nian. "Ami hakarak agradese ba Governu Timor-Leste ninia kompromisu ba-ia diálogo, ne'ebé permite parte rua ne'e bele to'o ba-ia akordu ne'e".

Akordu ne'e lori sinál pozitivu ida ba país sira ne'ebé iha dezenvolvimentu nia laran, ba comunidade negósiu sira ne'ebé internasionál no poténsia investidór sira. Ministra Finansas Timor-Leste nian, Santina Viegas Cardoso, afirma katak, "Governu timorense halo ona komprimisu hodi serbisu nafatin ho empreza internasionál sira, atu asegura benifísiu ba atividade komersiál sira iha rejiaun, ba povu Timor-Leste no agradese ba ConocoPhillips tanba rekoñese nesesidade no dezafiu sira husi nasaun ida ne'ebé foin hahú atu dezenvolve".

Termu sira husi akordu ne'e nu'udar segredu no labele fó-sai.

Media Contacts

Michael Marren
+61 8 636 32644 (office)
+61 477 739 478 (mobile/cell)
Michael.A.Marren@conocophillips.com

Jose Lobato (for Tetum or Portuguese speaking media)
+61 8 6363 4001 (office)
+61 670 723 085 (mobile/cell)
jose.lobato@conocophillips.com

Timor-Leste Spokesperson for the Sixth Constitutional Government
Minister of State Agio Pereira
+670 77045002
agio.pereira@cdm.gov.tl
govtlmedia@gmail.com
www.timor-leste.gov.tl